

# P'edon war bont an Naoned

---

## I

P'edon war bont an Naoned  
Digoudi digoudaon  
Digoudaon ranflaon  
Oeon taga raga diga diga daga,  
P'edon war bont an Naoned  
War eul lestr o kana.

## II

Me gwelet eur plac'h iaouank  
Digoudi digoudaon, etc.,  
'Lez ar ster o ouela.

## III

Hâ me goulenn diouti  
« Na perak e ouele ? »

## IV

« Va gwalen aour, emezi,  
» Er mor a zo kouezet. »

## V

« Petra rofet-hu d'in-me  
» Me yelo d'he zapa ? »

VI

« Hanter kant skoed, emezi,  
» Roin deoc'h a galon vad. »

VII

'Vit ar genta plonjadenn  
Netra n'en deuz gwelet.

VIII

'Vit an eilved plonjadenn  
Ar walenn zo touchet.

IX

'Vit an drede plonjadenn  
Ar paotr a zo beuzet.

X

E dad a oa er prenestr,  
Ha diroll da ouela.

XI

Tri mab am euz-me ganet,  
O zri ez int beuzet.

XII

E bered sakr an Dreinded  
O zri e vint beziet.

Tennet gant aotre euz al levr *Alanik al Louarn*



# Soun ar butun-fri

---

## DISKAN

Kan d'eomp, goz Mari,  
Soun ar butun. Soun ar butun,  
Kan d'eomp, goz Mari,  
Soun ar butun-fri.

### I

Vit hon droug-prezegerien,  
Kanomp, butun, kanomp, butun,  
Vit hon droug-prezegerien  
Kanomp, butun, eur zounen.

### II

Va butun muia-karet,  
Gwella tenzor, gwella tenzor,  
Va butun muia-karet,  
Gwella tenzor 'm euz er bed !

### III

Deuz em fri, o prizennik,  
Klozet en da, klozet en da,  
Deuz em fri, o prizennik  
Klozet en da lochennik.

### IV

Lod ro d'o c'hof odivi,  
Me a ro bu, me a ro bu,  
Lod ro d'o c'hof odivi,  
Me a ro butun d'am fri.

### V

Petra dal d'ar fri toullo,  
Mar o lezer, mar o lezer,  
Petra dal d'ar fri toullo,  
Mar o lezer holl c'houllo ?

### VI

Pa laker butun ennan,  
Koant ar fri o, koant ar fri o,

Pa laker butun ennan  
Koant ar fri o c'hlaourennan !

VII

Pa ziver re a c'hlaouren  
Me c'houez va fri, me c'houez va fri,  
Pa ziver re a c'hlaouren  
Me c'houez va fri em lostenn.

VIII

Ma tiver 'barz er zouben  
Drussoc'h a ze, drussoc'h a ze,  
Ma tiver 'barz er zouben  
Drussoc'h a ze na vo ken.

IX

Evit' pebra gwelloc'h gwell  
E strechan e, e strechan e,  
Evit' pebra gwelloc'h gwell  
E strechan e va skudel.

X

Kredit holl eo ar brizen  
Gwella louzou, gwella louzou,  
Kredit holl eo ar brizen  
Gwella louzou d'ar boan benn.

XI

Pa vezo pounner ho penn  
Lakit eta, lakit eta,  
Pa vezo pounner ho penn  
Lakit eta eur brizen.

XII

Vit hon droug-prezegerien  
Lakomp va fri, lakomp va fri,  
Vit hon droug-prezegerien  
Lakomp, va fri, eur brizen.

Tennet euz a levr Glanmor *Mouez an Aochou.*